

რა შეისწავლა აუდიტმა



სააღსრულებო
საქმისწარმოების პროცესი და
მონიტორინგის სისტემა



სააღსრულებო კანონმდებლობა
და იძულებითი აღსრულების
პროცესი



მოვალის ქონების მოძიების
საშუალებები



აღსრულების ეროვნული ბიუროს
ადამიანური რესურსები



სააღსრულებო საქმისწარმოების
ელექტრონული პროგრამა



დაყადაღებული ნივთების
საწყობში აღრიცხვა

რა მიგნებები აქვს აუდიტს

▶ აღმასრულებლის მიერ პერიოდულად საქმეთა ნუსხის წარმოდგენლობა და, შესაბამისად, თითოეულ სააღსრულებო საქმეზე განხორციელებული ქმედებებისა და შემაფერხებელი გარემოებების ანალიზის არარსებობა, იწვევს წარმოების მიმდინარეობის შესახებ არასწორ აღქმასა და შემდგომი ქმედების განუხორციელებლობას. საქმეებზე მონიტორინგი არასრულყოფილი ხასიათისაა და ვერ უზრუნველყოფს აღსრულების დროში გახანგრძლივებისა და არაეფექტიანი წარმოების გამომწვევი მიზეზების სრულ იდენტიფიცირებას.

▶ კანონმდებლობა ბიუროს ყველა სააღსრულებო საქმესთან მიმართებით არ ანიჭებს შესაბამისი იძულებითი ღონისძიებების განხორციელების შესაძლებლობას. ზოგიერთი კატეგორიის საქმეზე ბიურო ვერ ახორციელებს იმგვარ სააღსრულებო მოქმედებას, რომელიც მოვალის ჩართულობის გარეშე უზრუნველყოფს სამართლებრივი და ფაქტობრივი შედეგის დადგომას.

▶ ბიურო ვერ უზრუნველყოფს მოვალის ქონების მოძიებას - კრიპტოაქტივებზე, ფასიან ქაღალდებსა და სათამაშო ბიზნესში თანხის ვირტუალურად შენახვის საშუალებებზე; ყადაღისაგან უსაფუძვლოდ თავისუფლდება ის თანხა, რომელიც არ წარმოადგენს სახელმწიფო პენსიასა და სოციალურ დახმარებას და ირიცხება ამ მიზნით გამოყენებულ ანგარიშებზე; დასაკავებლად გადაცემული ავტოსატრანსპორტო საშუალებების მოძიების პროცესში, ბიურო ვერ იყენებს ყველა შესაძლო ადმინისტრაციული ორგანოს რესურსს.

▶ ბიუროს არ აქვს დანერგილი სავალდებულო განგრძობითი განათლების სისტემა. ჩატარებული ტრენინგები სრულად ვერ ფარავს კარგი პრაქტიკით გათვალისწინებულ თემატიკას; ასევე უზრუნველყოფილი არ არის ყველა თანამშრომლის ჩართულობა თითოეულ ტრენინგში და სწავლებას არ აქვს განგრძობადობის სისტემური ხასიათი.

▶ პროგრამაში გამოყენებული ტექნოლოგია მოძველებულია და დგას სისტემის გადანერის აუცილებლობა. პროგრამაში არსებული კონტროლის სხვადასხვა ნაკლოვანება ზრდის არაავტორიზებული წვდომის რისკს.

▶ ბიუროს მიერ არასრულყოფილად ხდება საწყობში განთავსებული დაყადაღებული ნივთების ანალიზური აღრიცხვა, რის გამოც ყველა ნივთი არ არის დაკავშირებული სააღსრულებო საქმესთან. საწყობებში ინვენტარიზაცია არ ჩატარებულა.

გაიცა რეკომენდაციები, რომლის განხორციელების შედეგად



▶ დაინერგება ეფექტიანი მონიტორინგის სისტემა, რაც ხელს შეუწყობს აღსრულების შემაფერხებელი გარემოებების ანალიზს და სააღსრულებო მოქმედების დროულ განხორციელებას;

▶ შემუშავდება საკანონმდებლო ცვლილებები იმ ტიპის სააღსრულებო წარმოებებისთვის, რომლებშიც იძულებითი აღსრულების ღონისძიებები შემოიფარგლება მხოლოდ მოვალესთან კომუნიკაციით;

▶ უზრუნველყოფილი იქნება ქონების მოძიება მოვალის შემდეგ ქონებაზე - კრიპტოაქტივებზე, ფასიან ქაღალდებსა და სათამაშო ბიზნესში თანხის ვირტუალურად შენახვის საშუალებებზე;

▶ აღმასრულებლებისათვის დაინერგება განგრძობადი განათლების სისტემა;

▶ უზრუნველყოფილი იქნება საქმისწარმოების ელექტრონული სისტემის მდგრადი და გამართული ფუნქციონირება;

▶ დაყადაღებული ნივთები დაკავშირდება სააღსრულებო საქმესთან.